



UNIVERSITÄTS-
BIBLIOTHEK
PADERBORN

**Vitæ Sanctorum Sacris per singulos anni dies
Meditationibvs illustratæ**

Paderbornæ, 1697

S. Joseph. 19. Martii.

[urn:nbn:de:hbz:466:1-62968](#)

periculo versetur eorum anima: pro illis Deum os-
ra: Amove eos ab occasionibus peccandi , adhi-
bitis amicis , authoritate , divitiis. *Noli vita hujus*
felicitate pravis hominibus invidere , sed concole. Dami-

3. Num tu ipse dignus es , cuius alios misereat ,
tum propter afflictiones tuas , tum propter peccata
tua ? si propter afflictiones tuas , patiens esto ;
Christus , & sancti omnes vixerunt in laboribus ,
doloribus , lachrimis ; si propter peccata , miserere
tui ipsius , & sana quamprimum vulnera animæ tuz.

S. JOSEPH.

19. Martii.

*Habentes autem alimenta , & qui-
bus tegamur , iis contenti sumus.*

Paulus Ep. 1 ad Tim. cap. 6.

Compendium laudum JOSEPHI dede-
cro , si convixisse IESV & MARIAE di-
xero : huic Sponsum integerrimum , illi
Nutritorem sedulū. Arcanorum ergo con-
scius omnium , multa gavisus est gaudia ,
multa dolenda doluit. Vtraque VII. fuisse,
binis è D. Francisci coetu ipse voluit mani-
festum. Et gaudio quidem primus omnium
delinivit animum Nuntius , quo non nisi
DEO plenam Mariam intellexerat; tum de-

N 2

inde

inde aures recrearunt ad cunas Magni Infan-
tis choraulæ nobiles ; Sed longè demulsi-
suavius Nomen quod ipse indidit , dulcissi-
mum. Iam vaticinia Simeonis , quæ Ser-
vatorem Puerum ; dejecta in Ægypto simu-
lachra Dæmonum , quæ DEVM loqueban-
tur , & Angelus , qui in patriam exules re-
vocabat , aliis atq; aliis gaudiis cumulabantur.
Illud demum delitiis inundavit , cùm , quod
charissimum habuit pignus , amissum reperit.
Et hæc gaudiorum materia ; illa dolorum
fuere : tristis primò , quem à Virgine para-
bat , secessus ; tum pauperes cunæ & prima ,
quæ imbribus prælusit , sanguinis pluvia ;
mox gladius Simeonis cor sponsæ , non nisi
per præcordia Sponsi petiturus ; post fuga
præpropera & Archelai tytannis ; demum
amissa in uno puerò bona omnia ; hæc in-
quam , tot mœroris argumenta , quot ante
lætitiae dubiam utrinque victoriam fecerunt.
Ego , si fas sit , octavum & dolorem & gau-
dium addidero , mortem inter IESV & MA-
RIÆ amplexus . Quid enim acerbius , quam
hos ex oculis dimittere ? quid dulcius ,
quam ab his oculos claudi ?

Ex lib. 3. Carthagena.

MEDIT

) 209. (o)
M E D I T A T I O
In vitam S. Josephi.

1. **S** Josephus MARIAE sponsus fuit, haud dubie singularem propter puritatem. Quām gloriosum tibi, Vir sanctissime Sponsam habere, in cœlis & in terris Omnipotentem, ac tuæ voluntati appetimē consentientem. Esto castus, humilis, & modestus, ut S. Josephus, & adamabit te MARIA. Ad sanctitatis apicem brevi perveniet, qui Sanctū hunc imitatus, DEVM præsentem, ac singula videntem semper cogitaverit.

2. Josephus fuit JESU nutritius parens, & ipse Jesus erat subditus illi: Vide humilitatem Salvatoris, qui, cùm in Augusti, aut Herodis Regiâ nasci potuisset, pauperem & incognitum sibi voluit patrem, qui quotidiano sudore victum & vestitum ipsi procuraret. Exemplo sancti Josephi nunquam separeris à Christo, cum testem habeas omnium actuum tuarum, & cum co. sepius colloquaris, fac (ut ait Aug) locum Christo cum filio tuis, accedat familia tua Dominus tuus, accedat ad prolem creator tuus. Hæc si feceris pauperi, Christo fecisti.

3. S. Josephus inter beatos JESU & MARIAE amplexus expiravit. Piam ac sanctam mortem cupis, huic cogitationes, huic actiones tuæ referantur: cole, invoca S. Josephum; affirmat quippe S. Theresia, se nihil non impetrâsse meritis S. Josephi. Semper in ore habeas, sed præsertim instantे morte, pulcherrima & suayissima nomina JESU, MARIAE, Josephi.

N 3

S. JOA